

iziGi

THE OFFICIAL NEWSLETTER OF SAFDA
MARCH - MAY 2024

ZABALIMI



RV Price February 2024: R 7 426,88 per ton (an increase of R82.79 vs Previous Season) "d" factor 0,502716



Kubungazwe umsebenzi omuhle
kwezolimo: Amazwibela
ama-SAFDA Farmers Awards

PG 3-4



Kubungazwe uDkt Siyabonga
Madlala kwi-Black Agricultural
Commodities Federation AGM

PG 5-6



I-SAFDA yethule ngempumelelo
iphrojekthi yemfuyo
eMkhuze

PG 11-13



I-M10 Farming Enterprise CC
ithole imishini yokulima yenani
lika R1.7 million

PG 17

TABLE OF CONTENTS

3 - 4

Kubungazwe umsebenzi omuhle kwezolimo: Amazwibela ama-SAFDA Farmers Awards

5 - 6

Kubungazwe uDkt Siyabonga Madlala kwi-Black Agricultural Commodities Federation AGM

7

I-SAFDA isingathe i-AGM ngenkulu impumelelo

8 - 9

Kwethulwe i-Makhathini Lower Pongola Water User Association

10

Kucelwe ubumbano kubalimi abamnyama kwimbizo ye-SAFDA ebiseMpumalanga

11 - 13

I-SAFDA yethule ngempumelelo iphrojekthi yemfuyo eMkhuze

14 - 15

Kushintshwa Umsebenzi Wokulima Umoba: Sibheka i-Seed-cane Project yase-South Coast

16

Mvelo Gumede: Udaba lokuthuthuka nokuphumelela ngaphansi kwe-NARYSEC

17

I-M10 Farming Enterprise CC ithole imishini yokulima yenani lika R1.7 million

18

IKhayaletu Capital Partners: Kunikezwe abalimi bomoba amandla ngokwezimali

19

Ikhava kamasingcwabisane iyaqhubeka nokusebenza nabantu sebethole omakhalekhukhwini babo

KUBUNGAZWE UMSEBENZI OMUHLE KWEZOLIMO: AMAZWIBELA AMA-SAFDA FARMERS AWARDS



Ngomhlaka 24 Novemba 2023, i-South African Farmers Development Association (SAFDA) isingathe umcimbi wayo waminyaka yonke wokubungaza abalimi futhi ophinde unikeze lenhlangano ithuba lokubonga labo esebenzisana nabo emsebenzini owenziwa i-SAFDA. Kulobusuku kubonakale ubukhazikhazi, izicukuthwane zishaye indwangu esezingeni eliphezulu enombala omnyama. Abalimi abebekhethiwe kuma-awards, abasebenzi be-SAFDA, abaphathi, amalungu e-CEC, izihambeli zikahulumeni nabanye abasebenzisana ne-SAFDA bafike ngobuningi babo ukuzobungaza umsebenzi omuhle owenziwa kulemboni.

Lomcimbi osuphenduke usikou banjwangenhloso yokufeza izinto ezimbili. Okokuqala, ukubungaza nokuklomelisa abalimi ngomsebenzi wabo, nokuqhamuka kwabo namasu amasha okwenza umsebenzi kanye nokuzinikela. Ngokwenza lokhu, i-SAFDA ikhuthaza usiko lokukhula ngokomsebenzi kubalimi futhi igqogqezela abalimi ukuba bagcine izinga eliphezulu abaphatha ngalo amabhizinisi abo.

Okwesibili, lomcimbi unikeza i-SAFDA ithuba lokubonga izinhloka okubanjiswene nazo okubalwa kuzo izikhulu zikahulumeni, izinhlangano ezingenzi-nzuzo, izinhlangano

zocwaningo ukukha phezulu. Labo phathina badlala indima emqoka kumsebenzi owenziwa yi-SAFDA, okuholela ekuthuthukeni kwezolimo eNingizimu Afrika yona.

Lomcimbi kanokusho uveze ngokusobala ukubaluleka kwabalimi abangaphansi kwe-SAFDA nendlela lenhlangano eabonga ngayo ngokukhulisa imboni yezolimo kulelizwe. Ubukhazikhazi balomcimbi buveze izinga eliphezulu lezinhloso ze-SAFDA.

Izithameli ezahlukeni ebeziyingxeny yalomcimbi zikhombise ngokusobala ukubambisana phakathi kwe-SAFDA nezinye izinhlangano. Kulezithameli bekukhona abalimi, abasebenzi be-SAFDA, amalungu e-CEC nezikhulu zahulumeni. Lokhu kukhombise ubumbano oludingekayo ukuze kulungiswe izinselelo ezikhona kulemboni yezolimo, futhi kubhekwe amathuba akhona entuthuko.

Kulobusuku, imizamo ye-SAFDA yokukhuthaza abalimi ibonakale ngokusobala. Ngokubungaza abalimi abenza kahle, lomcimbi ubuhlose nokukhuthaza abanye abalimi ukuba banyuse amasokisi. Ukubungaza umsebenzi omuhle kwezokuphathwa kwamasimi, nokuqhamuka nezindlela ezintsha zokusebenza kanye



nokuzinikela kuzoba nomthelela omuhle ekuzinzeni kwemboni yezolimo yalapha eNingizimu Afrika.

Ama-SAFDA Annual Farmers Awards ka 2023 abungaze abalimi abashaye into ecokeme emsebenzini wabo, futhi aqhakambise ukubaluleka kokubambisana nokubonga indima edlalwa izinhlaka zangaphandle okubanjiswene nazo. Lomcimbi uphinde waveza umoya wokuthuthuka embonini yezolimo yase Ningizimu Afrika.



KUBUNGAZWE UDKT SIYABONGA MADLALA KWI-BLACK AGRICULTURAL COMMODITIES FEDERATION AGM



Kusukela yasungulwa ngo-November 2022, i-Black Agricultural Commodities Federation (BACF) isiphenduke inhlango enamandla futhi eyizwilele abantu abamnyama eNingizimu Afrika. IBACF inhlango eyasungulwa ubumbano lwabalimi abasathuthuka ngenhloso yokukhulisa

umkhiqizo wabalimi abamnyama futhi ibanikeze amathuba okudlala indima kumnotho wezolimo nasemazweni angaphandle kwase Ningizimu Afrika; lenhlango iphinde ifeze izinhloso ze-Agenda 2063 zokuthuthukisa izwekazi lase-Afrika.

Izinhlango ezasungula i-BACF okubalwa kuzo i-African Game Ranchers Association, African Poultry Producers, Deciduous Fruit Development Chamber (SA), Livestock Wealth, National Emerging Red Meat Producers' Organization, South African Farmers Development Association kanye ne-South African Grain Farmers Association, izinhlangano ezisabalele ezweni futhi ezidlala indima enkulu emkhiqizweni wezimpahla okubalwa kuzo izinkukhu, ushukela, izinhlamvu ezitshalwayo, izithelo kanye nenyama ebomvu.

Inhloso yalenhlango ngokufinqiwe, ikhuluma ngokuletha intuthuko nempumelelo ngokulandela izindlela zokusebenza ezineqiniso futhi ezilandela umthetho, ukuletha usizo lwezimali kanye nokuthuthukisa inhlalo-mnotho yezinhlangano ezingaphansi kwayo. Konke lokhu kuhambisana nezinhloso ezinkulu ze-Agenda 2063.

I-Annual General Meeting (AGM) esanda kusingathwa emahhosisini amakhulu e-ARC ihlangane nokubungaza unyaka wokuqala kwasungulwa i-BACF futhi kube isithangami esihle sokudingida i-Plan of Action ka 2023-2028.





I Kulomcimbi bekukhona izikhulu eziqavile okubalwa kuzo uDkt. Pali Lehohla obeyi-Statistician-General eNingizimu Afrika no-Zoleka Capa ongu Sekela Ngqongqoshe womnyango we-Agriculture, Land Reform, and Rural Development.

kwe-BACF nezinhlaka zikahulumeni.

I-BACF isizuze okuningi ngonyaka wayo wokuqala njengokutholela amalungu ayo imihlomulo okubalwa kuyo izinhlelo zokuqeqeshwa, izinhlelo zocwaningo okubanjiswene kuzo, izivumelwano zama-airtime nama-data, i-funeral cover engabizi kanye nezinhlalo zokunakekelwa ngokwezempilo zabalimi nemindeni yabo.

Ngesikhathi sekuphothulwa i-Annual General Meeting, uDkt. Siyabonga Madlala, ongu Sihlalo Ophezulu we-SAFDA unikezwe isipho (plaque) ngendima yakhe nokuzinikela kwi-Black Agricultural Commodities Organisation.

Njengoba i-BACF iphokophele ngokuzithemba phambili, i-AGM ituse lenhlangano ngokuzinikela kwayo ekuthuthukiseni abalimi abansundu nangemizamo yayo yokulungisa imboni yezolimo eNingizimu Afrika. Njengoba izinhloso zayo zicacile futhi ibambisana nezinhlango ezinamandla kulomkhakha, i-BACF isesikhundleni esihle sokuqhubeka nokuletha ushintsho ezimpilweni zamalunga ayo nomphakathi wonkana wabalimi.



I-SAFDA ISINGATHE I-AGM NGENKULU IMPUMELELO

Ngomhlaka 24 November 2023, I-South African Farmers Development Association (SAFDA) ibambe i-Annual General Meeting yayo yesishagalombili KwaShukela. Lomhlangano uthanyelwe izihambeli ebezidlule ku-50 ezivela kumagatsha ahlukeni eSAFDA, obekubalwa kuzo abalimi baseMpumalanga. Lemihlangano yama-AGM inikeza labo okusetshenziswa nabo ithuba lokuxhumana nethimba labaqondisi benkampani. Ijwayele ukusingathwa kanye ngonyaka kanti inikeza abaqondisi nalabo abanamashya ithuba lokudingida umbiko wonyaka wenkampani. Ngaphandle kokudingida izindaba zebhizinisi, i-AGM kuba isithangami sokudluliswa kolwazi, kuboniswane kuphinde kwenziwe izinqumo zebhizinisi.

Kumbiko wonyaka othulwe uDkt. Siyabonga Madlala onguSihlalo Ophezulu we-South African Farmers Development Association (SAFDA), lenhlangano iqale ngokubungaza unyaka wayo wesishagalombili yasungulwa okuyinto ethakaseliwe kakhulu. Kulonyaka kugxilwe kakhulu kwizinhlelo ezizonikeza abalimi amandla okuzimela ngokuqhamuka nezindlela ezintsha zokungenisa imali, ikakhulukazi kubalimi abasathuthuka ababhekene nezinsalelo ezahlukeni.

Okugqamile kube ukuzibophezela kwe-SAFDA ekwakheni imishini eJozini ngenhloso



yokunqoba izinkinga zokuswela izinsiza nezindleko eziphezulu zokwenza umsebenzi. Ngaphandle kwezinsalelo ezibhekene nembali kashukela, i-SAFDA yenze umsebenzi omkhulu wokunikeza abalimi amathuba okuthuthuka ngokuletha amaphrojekthi afana ne-Melmoth Restitution Project. Lenhlangano idlale indima enkulu ekuletheni ushintsho kulemboni, lapho ebenesandla khona ekuletheni i-Transformation Fund ka-R1 Billion nokuseka i-Sugar Master Plan. Ngaphezu kwalokho, i-strategy se-SAFDA ezivuselelwe sibala ukwethulwa kwe-SAFDA Financial Services ezonikeza abalimi usizo lwezimali. Ama-Farmer Production Support Units (FPSUs) avezwe njengonye yenziwe eziletha ushintsho embonini njengoba ewusizo olukhulu kubalimi.

UDkt. Madlala uveze ukubonga kwithimba le-SAFDA ngokuzimisela kwalo waphinde wagcizelela ukubaluleka kosizo lwezinhlelo okubanjiswene nazo ukuze inhlangano iqhubeke ekufezeni izinhloso zama-Sustainable Development Goals kanye nokunakekelwa kwemvelo.



KWETHULWE I-MAKHATHINI LOWER PONGOLA WATER USER ASSOCIATION

Kwimizamo yokulethela abantu namabhizinisi amanzi, uNgqongqoshe we-Water and Sanitation, uMnuz Senzo Mchunu, wethule ngokusemthethweni i-Makhathini Lower Pongola Water Users Association. Lososeshini oholwa ngu Sifiso Mnguni oyiNhloko ye-SAFDA Grower Development uhlose ukongamela izinsiza zamanzi okubalwa kuzo iJozini Dam, umfula wasoPhongolo kanye neMakhathini Canal, lapho kuzohlomula khona imiphakathi yaseMkhanyakude naseZululand.



UNgqongqoshe, ephelezelwa uSekela Ngqongqoshe uDavid Mahlobo kanye noNgqongqoshe be-Agriculture, Land Reform and Rural Development uThoko Didiza noNokuzola Capa bathathe loluhambo ngo 13-14 December 2023 – okugcizelele ukuzibophezela kukahulumeni ekuxazululeni izinkinga zamanzi kulesifunda.

IMakhathini Canal engamakhilomitha angu-32 nama-cubic meter (m³) angu 141, 754 isidluliselwe kwi-Department of Water and Sanitation isuka kwiSilwane Trust. Lokhu kwenziwe i-Agribusiness Development Agency (ADA) okuyibhizinisi elingaphansi kwe-Department of Agriculture, Land Reform, and

Rural Development (DARRLD) KwaZulu-Natali. Ngesikhathi behlola lendawo, uNgqongqoshe Mchunu noSekela Ngqongqoshe Mahlobo babone ukulinyazwa kwezakhiwo namanzi adonswa ngokungemthetho kulendawo okuholele ekulimaleni kwezakhiwo kwaphinde kwangcolisa namanzi. Imali elinganiselwa ku R122 Million kuzolungiswa ngayo le-canal ukuze isebenze kahle.

Lendawo idonsa amanzi edamini laseJozini mese iwadlulisela kuma-pump station ayisithupha. Lamanzi enza imisebenzi eyahlukene njengokunisela, ukuchelela nokunye okusiza abalimi kanye nemindenhi ehlala kulendawo. UNgqongqoshe Mchunu ugcizelele ukubaluleka



UNgqongqoshe Mchunu ugcizelele ukubaluleka kwe Makhathini Lower Pongola Water User Association ekuholeni izingxoxo nokuxhumana nezinhlobo nomphakathi. Indima yalososeshini ibalulekile ikakhulukazi kwizinqumo ezizothathwa ngokukhipha amanzi edamini laseJozini ukuze asetshenziselwe izinhlelo zokuvikela imvelo nezohwebo. Lokhu kuzonikeza abantu bendawo nabalimi ithuba elilinganayo lokusebenzisa amanzi.




Ephendula ngalokhu, uMnuz Sifiso Mnguni, onguSihlalo weMakhathini Lower Pongola Water Users Association, uthe “Labalimi nabanye abasebenzisa amanzi ngaphansi kososeshini wethu sebeyakwazi ukubeka imibono ngezidingo zamanzi abanazo, okuyinto esiza isifunda sethu sikwazi ukunakekela amanzi kangcono. Ngaphansi kobuholi be-WUA, abalimi nomphakathi uzohlomula ngokukhokhelwa ukusebenzisa amanzi. Inkinga enkulu phambilini bewukuthi abantu bebenganawo amalaysense

okusebenzisa amanzi futhi bebengawakhokheli amanzi.”

UMnguni uphinde waveza nemivuzo yokunakekelwa kwamanzi ngaphansi kwe-MLP WUA, lapho abale khona ukwakheka kwamathuba okwenza amanye amabhizinisi, njengezokuvakasha, wakhuthaza abantu ukuba banciphise ukungcolisa amanzikanyenokudonsa amanzi ngendlela engekho emthethweni.

Ukwethulwa kwe-Makhathini Lower Pongola Water Users Association kuyigxathu elikhulu elibheke ukuphathweni kwamanzi ngendlela efanele nokuletha intuthuko emphakathini nokuxhasa izinhlelo zolimo eMkhanyakude naseZululand.



KUCELWE UBUMBANO KUBALIMI ABAMNYAMA KWIMBIZO YE-SAFDA EBISEMPUMALANGA



Inhlangano ye-South African Farmers Development Association (SAFDA) ibambe Imbizo ebalulekile ngomhlaka 08 February 2024 eMpumalanga e-Emmanuel Assemblies of God. Lomcimbi unikeze abalimi ithuba lokudingida amaphrojekthi aqhubekayo, izindaba ezithinta imboni kashukela kanye nezinselelo ezahlukeni ezibhekene nabalimi bomoba kulesifunda.

Lembizo ilethe ithuba lokuthi izinhlaka zisebenzisane futhi yakha ubumbano phakathi kwabalimi bomoba. Ukuzinikela kwe-SAFDA ekuthuthukiseni abalimi abamnyama kuphinde kwabonakala kulembizo ngesikhathi kuqhubeka izinkulumo ebeziveza indima edlalwa ilenhlango ekuletheni ushintsho oluhle kulemboni yokulima umoba.

Lomhlangano uholwe uMnuz Mose Mkhabela, oyi-SAFDA Mpumalanga General Manager, owenze umsebenzi oncomekayo ngobuhlakani. Imibiko ithulwe osihlalo bama-MAC, okungo Mnuz J Ndimande (Malelani) no-Mnuz E Mashabane (Komati) abaveze imininingwane ebalulekile ethinta imboni kanye namaphrojekthi aqhubekayo. UNathi Phakathi naye uthule

umbiko onzulu ngamaphrojekthi aqhubekayo ngaphansi kwe-SAFDA, nalapho agcizelele khona ukuzibophezela kwe-SAFDA ekuthuthukisweni kwemboni yokutshalwa komoba kulesifunda.

Kulembizo, izithameli zithole ithuba lokuxhumana futhi zidingide izinto eziningi. Lezingxoxo zidlale indima enkulu ekwakheni umhlahlandlela ohlose ukuletha izixazululo kulezinselelo ezibhekene nabalimi.

Okunye okugqamile kube umbiko woxhaso lwezimali lwabalimi othulwe uMnuz L Mabila, lapho egxile khona kwi-MAFISA. Lombiko uveze usizo lwezimali abalimi abangalusebenzisa.

UDkt Siyabonga Madlala, onguSihlalo Ophezulu we-SAFDA, uphethe ngokugcizelela ukubaluleka kobumbano phakathi kwabalimi abamnyama ukuze bathole amandla nempumelelo. Ethula inkulumo ehholo ebeligcwele abalimi, uDkt. Madlala ugqizelele isidingo sokusebenzisa uhlelo oluyinhlanganisela lokubhekana nezinselelo ezithinta abalimi bomoba eMpumalanga.

I-SAFDA YETHULE NGEMPUMELELO IPHROJEKTHI YEMFUYO EMKHUZE

I-Mbulungwane Community Trust isiqala ukubona imivuzo yokubambisana ne-South African Farmers Development Association. UNhlabani Khumalo (SAFDA Project Manager) ubesebenza zinsuku zonke ngisho nangamaholidi ka December 2023 ukuze aqinisekise ukuthi lephrojekthi iqala ngesikhathi. Kuhlelwe ukuthi kusizwe lephrojekthi ukuze ingenise inzuzo futhi izinze.

Lephrojekthi ebe nokubambezeleka ngenxa ye-COVID, iphinde yaqalwe kabusha ngo 2023 futhi kuhloswe ukuthi kushintshwe izimpilo zabalimi. Ukufuya izinkomo nezimbuzi kube umbono wehhovisi lakwa Nongoma le-Department of Agriculture and Rural Development njengebhizinisi elifanele kulelifamu ebiliyi game farm phambilini. Abe-SAFDA, i-DARD ngokuhlanganyela neMbulungwane Trust bahlale lelifamu ngaphambi kokuvumelana ngokuthi ibhizinisi lemfuyo ilona elifanele lendawo. Kuxoxiswane nochwepheshe bemfuyo nabo abaqinisekisile ukuthi ilona bhizinisi elizongenisa umnotho, noma kukhona i-Senekal



Game Reserve engaba nomthelela kwezemvelo.

Inkosi yaseMandlakazi Traditional Council, uZulu ubonge i-SAFDA wabe esehalalisela iMbungulwane Trust ngalempumelelo enkulu futhi waqhakambisa ukuthi lephrojekthi izoletha ithemba emphakathini. Uphinde wanxusa umphakathi osondelene nalelifamu ukuthi ulivikele futhi ubike uma khona abalimaza ucingo olubiyile kulendawo. Inkosi iphinde yeluleka umphakathi ne-Trust ngokuthi bavikele lephrojekthi ngezikhali zamantungwa.

SIHLAZIYA LEPHROJEKTHI

Lephrojekthi ithole uxhaso lokuqala luka R6.5 Million kwi- Department of Agriculture, Land Reform and Rural Development (DALRRD) ngaphansi kwe-Regional Claims Commission. Lephrojekthi ibihlose ukushintsha i-game farm ukuze ibe ifamu lemfuyo ngokuletha lezinsiza ezilandelayo: Ucingo lokubiya, i-camps fence, ucingo lokubiya ngaphakathi namasango akhona, i-Borehole enethangi lamanzi elingu 10kne-Solar Pump, izinkomo ezingu 74, Isibaya, nezakhiwo sokungena izinkomo, izimbuzi ezingu 100, Indlu enamagumbi amahlanu, Indlu yonogada, i-Bakkie

lelifu ne-Quadbike. Iphrojekthi yezinkomo isiphothuliwe kanti eyezimbuzi kubhekwe ukuthi iqedwe ngo-March 2024.

Izindawo zase Mandlakazi, kwaNongoma kanye nase-Mkuze zinesimo esihle sezulu lapho imfuyo ikhula kahle khona. Kodwa-ke, lokhu akwanele ekutheni imiphakathi ithembele kwimfuyo kuphela. IMbulungwane ihlele ukukhulisa lephrojekthi ngokwakha eminye imisebenzi ezokwenza lomphakathi uhlomule.

AMATHUBA EMISEBENZI

Lephrojekthi iqashe abasebenzi abangu 26 okubalwa kubo: i-Junior Farm Manager eyodwa, Admin Officer eyodwa, Onogada abane, Abalusi abane kanye nama-general worker angu-16 enza imisebenzi efana nokubiya, ukwakha nokulungiswa kwezakhiwo. Lelifamu lingakwazi ukuqasha abasebenzi abangaphezulu kuka 30 uma lingakhuliswa. IMbulungwane Trust iyaqonda inani eliphezulu labantu abangasebenzi emphakathini waseMandlakazi futhi isithule imigomo enikeza intsha nabantu abangasebenzi amathuba okuba yingxenye yalephrojekthi. Ama-general worker aqashwa isikhathi esiyizinyanga ezintathu ukuze wonke umuntu abenethuba



lokusebenza. Lephrojekthi iqashe intsha nabantu abangasebenzi abangaphezu kuka 55 ngo 2023 kanye nentsha engu 11 ethole imisebenzi ye-Admin, eyonogada, eyabelusi bemfuyo kanye neyokuphathwa kwefamu.

ISELULEKO EZIVELA KWABEZOMNOTHO: DAYISA IZINKOMO NGESIKHATHI ESIFANELE

Kubalulekile ukudingida izinto eziningi uma kusaqala iphrojekthi ukuze ikwazi ukuzinza futhi ingenise imali emphakathini. Iphrojekthi kufanele iveze izinto ezingaba inselelo ezithinta imihlomulo etholalalayo uma usebenza ngemfuyo (Izinkomo), okubalwa kukho isikhathi esifanele okumele kudayiswa ngaso izinkomo. Abantu abaningi bangalenza iphutha lokubeka phambili inkunzi endala kunamathole okanye izinkomo ezisencane ezinezinyanga ezingu-9 noma ezingu-10. Kodwa asikho isizathu esiphathekayo sokwenza lokhu. Izilwane ezindala zinezindleko eziningi zokuzinakekela, kanti izinkomo ezincane zidla kancane okwenza zibencane izindleko kuzo. Inani lenkunzi liyehla ngokuhamba kwesikhathi ezimakethe. Ngakho-ke inzuzo ibaningi uma abadayisi bemfuyo bezidayisa zisencane izinkomo zabo.



Okunye okubalulekile, uma izilwane zigcinwa isikhathi eside, zibankulu kakhulu, okusho ukuthi zizodinga ukudla okuningi kunakuqala futhi zibulala izitshalo emasimini. Kodwa uma izilwane zidayiswa ngokushesha zisencane, umhlaba uyaqhubeka nokusebenza futhi ungenise imali. Isilwane esiletha umnoto inkomo ngoba iletha amankonyane. Ngamanye amazwi umdayisi wezinkomo uyazuza ngoba inkomo imlethela ezinye izinkomo ezizodayiswa. Okunye okusizayo ukuba nezinkunzi ezimbalwa esibayeni ngoba ikhwalithi yemfuyo ibayinhle.

“

“Abadayisi bemfuyo bangayiphindaphinda imali engenayo ngokudayisa isilwane esisodwa esincane njalo ngonyaka kunokudayisa inkomo eyodwa enkulu noma endala njalo ngemuva kweminyaka emithathu.”

UKUSEBENZISANA NABALIMI BEMFUYO ABAPHAMBILI EMKHAKHENI WENYAMA YENKOMO

UMnuz Donovan Collet (Oyi-CEO yase AC Livestock) uxhase lephrojekthi kusukela iqala ngezeluleko zakhe nolwazi lokuphathwa kwebhizinisi lezinkomo. Uthathe loluhambo ne-SAFDA kwaze kwafika usuku lokunikezelwa kwalephrojekthi kwiMbulungwane Trust. Abe-AC Livestock baphinde bazibophezela ekusizeni lephrojekthi kwezoqeqesho, ukugoma izinkomo kanye nokubhekelela imisebenzi yansuku zonke. Ngesikhathi ecelwa ukuba akhulume nomphakathi, uDonovan ubonge ithuba alinikezwe yi-SAFDA futhi wabongela i-Trust ngokusebenzisana nalenhlangano ebeka abantu phambili futhi ezinikele ekuletheni impumelelo ebantwini.



KUSHINTSHWA UMSEBENZI WOKULIMA UMOBA: SIBHEKA I-SEEDCANE PROJECT YASE-SOUTH COAST



Kwimizamo yokuthuthukisa izindlela zokutshala nokukhulisa umoba ukuze kungene inzuzo, i-Department of Agriculture and Rural Development ngokubambisana ne-South African Farmers Development Association bathule iphrojekthi yembewu yomoba eSouth Coast. Lephrojekthi ihlose ukunikeza abalimi abasathuthuka ithuba lokuthola imbewu yomoba enekhwalithi ephambili kanye nezinhlobonhlobo zomoba okuzothuthukisa umkhiqizo nokuzenza kwalemboni kulesifunda.

UMSUKA NEZINHLOSO ZALEPHROJEKTHI

Abalimi bakulendawo banenkinga yokungabikhona kwembewu yomoba esezingeni elihle. Imbewu enekhwalithi ephansi ayigcini nje ngokulimaza inani lomkhiqizo kodwa iletha izifo nezilwane ezilimaza izitshalo okunomthelela ongemuhele kwinzuzo yabalimi.

Lephrojekthi yembewu ihlose ukulungisa lezinkinga ngokunikeza abalimi imbewu

enekhwalithi ephambili futhi enezinhlobonhlobo zomoba. Ngokunikeza abalimi imbewu yohlobo oluphambili, kuzonyuka izinga lomkhiqizo, kuthuthuke nezitshalo futhi zikwazi ukumelana nobungozi bezifo nezilwanyana. Lokhu kuzohlela ekutheni abalimi abasathuthuka base-South Coast bakwazi ukuziphilisa kangconywana kunakuqala.



UKUBAMBISANA NOKUQALA KOMSEBENZI

Ukubambisana phakathi kwe-Department of Agriculture and Rural Development yesifundazwe ne-SAFDA kubalulekile ekuphumeleleni kwalephrojekthi yembewu yomoba. I-SAFDA nokufinyelela kwayo kubalimi abaningi kanye nolwazi lwayo kwezokuthuthukiswa kwezolimo idlala indima emqoka njengoba ibheka futhi ixhumana nabalimi abasathuthuka abangahlomula kulephrojekthi. I-Department of Agriculture and Rural Development yona iletha ulwazi lokusebenza nezinsiza ukuze kuqinisekiswa ukuthi isebenza ngokufanele kulendawo.

Enye yezinto eziwukhiye kulephrojekthi ukwakhiwa kwama-nursery lapho kukhiqizwa khona imbewu eyikhwalthi mese ithunyelwa kubalimi abasathuthuka. Lama-nursery anobuchwepheshe besimanje-manje bokwenza

umkhiqizo futhi kuqashwe ama-agronomist aqeqeshiwe aletha usizo olukhulu kubalimi abangaphansi kwalephrojekthi. Ngaphezulu kwalokho, abalimi bayaqeqeshwa ngezindlela ezifanele zokulima, okubalwa kuzo izindlela ezahlukene zokutshala, ukunisela kanye nokulwa nezilwane.



UMTHELELA NAMATHUBA AZOVELA ESIKHATHINI ESIZAYO

Lephrojekthi yembewu isiqalile ukukhombisa imiphumela, njengoba abalimi sebeletha imibiko yokuthi izitshalo zabo zikhula kancono futhi ikhwalthi yomoba isiphezulu kunakuqala. Ngokunikeza abalimi imbewu eyikhwalthi, lephrojekthi angeke igcine nje ngokungenisela abalimi imali kodwa izokwenza umsebenzi wokulima umoba uzinze kulesifunda.

Uma sibheka phambili, lephrojekthi kuhloswe ukuthi idluliselwe nakwamanye abalimi abasathuthuka futhi ibakhombise imivuzo yembewu enekhwalthi ephambili. Ngokuqhubeka nokusebenzisana nabalimi

nokubanikeza usizo abaludingayo, kubhekwe ukuthi umkhiqizo unyuke futhi kuthuthuke nembali yonkana eSouth Coast.

Lephrojekthi ikhombisa ngokusobala ukuthi ukubambisana phakathi kwezinhlangano zikahulumeni nezolimo kungaletha ushintsho olukhulu ezimpilweni zabalimi abasathuthuka. Ukulethela abalimi imbewu yekhwalthi nezinhlobo ezahlukene zesimanje-manje angeke kugcine ngokuhlomulisa izimpilo zabalimi kuphela kodwa imboni yomoba yonke izothuthuka.

MVELO GUMEDE: UDABA LOKUTHUTHUKA NOKUPHUMELELA NGAPHANSI KWE-NARYSEC

Ezweni lapho intsha isabhekene khona nokungayitholi imisebenzi, izinhlelo ezifana ne-National Rural Youth Service Corps (NARYSEC) zibuyisa inhlansi yethemba njengoba zinikeza intsha amathuba okwenza okuthile ngamathalente nolwazi lwayo futhi ikwazi ukudlala indima ekuthuthukisweni komnotho wasezindaweni zasemakhaya. Udaba luka Mvelo Gumede lungolunye oluveza impumelelo yohlelo lwe-NARYSEC, njengoba enza izinto ezimangalisayo futhi eziletha ushintsho empilweni yakhe.

I-NARYSEC, okuwuhlelo lwentsha olungaphansi kwe-Department of Rural Development and Land Reform, igxile ekuthuthukiseni amakhono nokwakha amathuba emisebenzi kwintsha yasezindaweni zasemakhaya. Loluhlelo luhlose ukulwa nezinselelo ezimbili okuwukushoda kwemisebenzi namakhono ngokunikeza intsha amathuba okuthola amakhono ngokwethula kwezinhlelo okubambisene kuzo izinhlangano ezizimele nezikahulumeni.

Uhambo lukaMvelo Gumede ne-NARYSEC luqale ngo 2019 lapho ekhombise khona intshisakalo enkulu yokwenza umehluko emphakathini wangakubo. UMvelo ovela endaweni yasemakhaya ubeziqondisisa izinselelo ezibhekene nentsha ekutholeni imfundo esezingeni eliphambili namathuba emisebenzi. Ngentshisakalo yakhe yokuletha ushintsho, ungene ohlelweni lwe-NARYSEC ngenhloso yokuthola amakhono amasha nokudlala indima ekuthuthukisweni kwezindawo zasemakhaya. Ngaphansi kwe-NARYSEC, uMvelo uzibandakanye ezinhlelweni ezahlukene zokuthuthukisa amakhono okubalwa kuzo ukuqeqeshelwa umsebenzi wezolimo, ama-workshop okuphathwa kwamabhizinisi kanye namaprojekthi okuthuthukiswa komphakathi. Lokhu akugcinanga ngokumnikeza amakhono abalulekile empilweni kodwa kumnikeze nenhloso namandla okuba nolwazi.



UMvelo uthole ithuba lokusebenzisana nezinhlangano zikahulumeni nezinkampani ezizimele, lapho abone khona izinselelo ezikhona emhlabeni kanye nezixazululo ezisetshenziswayo. Lokhu kusebenzisana nezinhlangano kumsize wathola ulwazi ngokufunda kwaphinde kwamvulela namathuba omsebenzi.

Namhlanje, uMvelo uyisibonelo esihle sempumelelo yezinhlelo ezifana ne-NARYSEC. Njengoba esehlome ngamakhono amasha kanye nothando lokuthuthukisa izindawo zasemakhaya, usephenduke ithemba loshintsho emphakathini wangakubo. UMvelo wenza okuningi ukuthuthukisa umphakathi wangakubo, lapha sibala ukulima akwenzayo, amabhizinisi amancane azibandakanya kuwo nezinhlelo zokusiza umphakathi asebenza kuzo. Impumelelo kaMvelo akusiyona eyakhe kuphela; kodwa ikhombisa amandla ezinhlelo ezifana ne-NARYSEC. Uhambo lwakhe luzokhuthaza futhi lugqugquzele enye intsha yasemphakathini futhi ibone ukuthi kuningi engakuzuza uma izimisele futhi kunamathuba ewatholayo.

Njengoba iNingizimu Afrika iqhubeka nokulungisa udaba lokungabikhona kwemisebenzi entsheni kanye nemizamo yokuletha izinhlelo zokuthuthukisa izindawo zasemakhaya, impumelelo efana nekaMvelo iyasikhumbuza ngokubaluleka kokutshala izimali ezinhlelweni zokuthuthukisa amakhono. Ngezinhlelo ezifana ne-NARYSEC singakha ikusasa eliqhakazile lentsha futhi sithuthukise imiphakathi yasemakhaya.

I-M10 FARMING ENTERPRISE CC ITHOLE IMISHINI YOKULIMA YENANI LIKA R1.7 MILLION



Kuhambo olukhombisa ukukhula nokuthuthuka kwemboni yezolimo, i-M10 Farming Enterprise CC, esebenza ngaphansi kohlelo lwe-PLAS LRAD (Land Reform for Agricultural Development), isanda kuthola imishini yokulima ebiza u-R1.7 Million evela kwi-Department of Agriculture, Land Reform, and Rural Development.

Lomnikelo ohlose ukuthuthukisa umsebenzi owenziwa i-M10 Farming Enterprise CC, ukhombise ukuthi ukubambisana kwenza imboni ithuthuke ezindaweni ezingaphansi koMasipala waKwaDukuza.

I-M10 Farming Enterprise CC inamalungu amane omndeni owodwa onezimpende khona KwaDukuza. Lenkampani iqale ukulima umoba ngo 2008 kwifamu elalibolekiwe, i-Margaret, ngaphansi kohlelo lwe-PLAS LRAD. Lelifamu ebeselibolekwe iminyaka engu-30 linama-hectare angu 323 eMgungundlovu, KwaZulu-Natal futhi seliphenduke indawo yethemba ukuze kunqotshwe inselelo yesomiso sika 2010 nesinye esibekhona kusukela ku 2014 kuya ku 2020.

Lelifamu eliphethwe uMnuz Manival Munusamy Govender, onesipiliyoni seminyaka eyisithupha

esebenza njenge-farm manager, aligcinanga nje kuphela ukudlula ezinkingeni zesimo sezulu kodwa selibe yithemba lendawo yomsebenzi kubantu abahlala emiphakathini ehlwempu esondelene nalo.

Lelifamu elathengwa lingenazo izakhiwo nemishini lithole uxhaso olukhulu oluvela kwi-South African Farmers Development Association (SAFDA). Ngoxhaso lwe-SAFDA, i-M10 Farming Enterprise CC ikwazi ukuthola usizo lwezimali kuhulumeni okube umzuzu omkhulu ohambeni lwabo olubheke empumelelweni.

Lomnikelo ovela kuMnyango WeZolimo wemishini yokulima ebize imali engu R1.7 million uhambisana ngqo nezinhlelo nokuzinikela kwe-M10 Farming Enterprise CC. Lokhu kutshalwa kwemali kulelibhizinisi kuzokhulisa inani lezitshalo nomkhiqizo futhi kuthuthukise nomnotho womphakathi jikelele.



IKHAYALETHU CAPITAL PARTNERS: KUNIKEZWE ABALIMI BOMOBA AMANDLA NGOKWEZIMALI

Kumnyakazo omuhle ohlose ukunikeza abalimi abangaphansi kohlelo lokubuyiselwa komhlaba namandla, i-SAFDA Financial Services ngokubambisana ne-Forward Finance Holdings sebesungule iKhayaletu Capital Partners. Lokhu kusebenzisana kuzoletha ushintsho ekuphathweni kwezimali kubalimi bomoba, futhi kuzobalethela ithuba lokuthola izimali abazidingayo ngohlelo lokukhokhelwa lwama-Season Retention.

IKhayaletu Capital Partners inikeza abalimi ithuba lokuthola imali engaphansi kwama-Season Retention engafika ku 70% ngaphambi kokukhokhelwa ama-Mill. Lokhu kusho ukuthi abalimi bayakwazi ukuzitholela imali abayisebenzele kanzima ngaphambi kwesikhathi, okuholela ekutheni balungiselele i-season elandelayo kangcono.

Ukusabalala nokwehluka kwemikhiqizo elethwa iKhayaletu Capital Partners kuletha ushintsho olukhulu kumabhizinisi abalimi bomoba. Noma ngabe kubhekwa ukukhokhwa kwemiholo yabasebenzi, ukulungisa imishini, noma ukunakekelwa kwamasimi, abalimi sebenenkululeko yokusebenzisa imali ngendlela abafisa ngayo ngaphandle kokulinda ukukhokhelwa imishini kashukela.

Ukuze bakwazi ukuthola lomkhiqizo, abalimi kufanele babe nama-retention account nemishini angaphezulu kuka R75,000. Lokhu kuqinisekisa ukuthi abalimi abazibophezele kulemboni nemali ethile abayithole nge-season bayahlomula. Abalimi abakwazile ukungena kuloluhlelo bathole imali esuka ku R50,000 kuya ku R2 000 000.

Ukwethulwa kwe-Khayaletu Capital Partners kusho lukhulu ekutholeni amandla ngokwezimali



kubalimi bomoba. Ngokunikeza abalimi ithuba lokuthola imali ye-season ngaphambi kwesikhathi, i-Khayaletu Capital Partners ayehlisi kuphela umthwalo wezimali kubalimi kodwa ibanikeza ithuba lokuhlela kahle umsebenzi nokwenza izinqumo ezizosiza amabhizinisi abo.

Ukuze kwaziswe abalimi abangaphansi kohlelo lokubuyiselwa komhlaba ngalolusizo lwezimali, ithimba le-SAFDA Financial Services lihambele izindawo ezahlukeni zakwaZulu-Natali (KZN). Lokhu bekuhloswe ngakho ukukwazisa abalimi abangaphansi kohlelo lokubuyiswa komhlaba ngamathuba alethwa i-Khayaletu Capital Partners nokuthi bangahlomula kanjani kulo. Abalimi bakujabulele kakhulu ukuzwa imininingwane kulelithimba futhi abaningi bakhombisa intshisakalo yokuzitholela inkululeko yezimali ngokusebenzisa izinhlelo zase Khayaletu Capital Partners.

Ukubambisana kwe-SAFDA Financial Service ne-Forward Finance Holdings kukhombisa ukuzibophezela kwalezinhlango zombili ekuthuthukiseni imboni yomoba. Ngokulethelwa izixazululo zezimalie zifananele zizase Khayaletu Capital Partners, abalimi bangalindela ikusasa eliqhakazile futhi elizobalethela inkululeko ngokwezimali.

IKhayaletu Capital Partners isiyithemba labalimi bomoba, njengoba ibanikeza inkululeko ngokwezimali abazidingayo ukuze bathuthuke. Ngezindlela zayo ezintsha zokusebenza nokuzinikela ekuletheleni impumelelo kubalimi, i-Khayaletu Capital Partners izoletha ushintsho olukhulu ezimpilweni zabalimi bomoba.

IKHAVA KAMASINGCWABISANE IYAQHUBEKA NOKUSEBENZA NABANTU SEBETHOLE OMAKHALEKHUKHWINI BABO



Intuthuko noshintsho kuza kahle emiphakathini elimayo yalapha eNingizimu Afrika. I-SAFDA Funeral Cover ehambisana ne-Airtime/Funeral Cover isisebenza ngokuphelele njengoba silokhu sinyuka isibalo sabantu abajoyina loluhlelo futhi abathola amafoni.

Ngokubheka izinselelo ezehlukile abalimi ababhekenenazo eNingizimu Afrika, i-SAFDA ize nesixazululo esingagcini kuphela ngokwehlisa umthwalo wezimali uma abantu beshonelwe kodwa esiqinisekisa ukuthi abalimi bayakwazi ukuxhumana nemindeni yabo ngaso sonke isikhathi.

Le-Funeral Cover ebhaliswe ngaphansi kwabaholi kulomkhakha, i-Sanlam, iletha usizo olukhulu kubalimi. Njengoba abantu abaningi bejoyina loluhlelo, i-SAFDA isibone umthelela omuhle o lethwa iloluhlelo kubalimi ezweni lonke. Kuloluhlelo Insika ukunikezwa kwabalimi omakhalekhukhwini, okuwuphawu olukhombisa ukubaluleka kwezinsiza

zokuxhumana. Lamafoni axhumanisa abalimi nemiphakathi yabo, abalethela imininingwane ebalulekile nokubakhela isizinda sokusizana. I-Samsung ne-Huawei badlale indima enkulu kuloluhlelo, lapho beqinisekise ukuthi abalimi bathola amafoni asezingeni eliphezulu futhi abasiza ngezidingo zabo.

Impumelelo ye-SAFDA Funeral Cover ibonakala ngokukhula kwesibalo sabantu abangene kuloluhlelo. Njengoba umndeni we-SAFDA ukhula, noxhaso kanye nokusizakala kwabalimi base Ningizimu Afrika nakho kuzokwanda.

Ukungena kwabantu abaningi kuloluhlelo kuwuphawu lokukhula kwabalimi ababona ukubaluleka kokunakekela imindeni nokuqinisekisa ukuthi isimo sezimali sikahle ngezikhathi ezinzima. I-SAFDA Funeral Cover akusiwona nje umasingcwabisane; kodwa uhlelo olunikeza abalimi amandla okubhekana nekusasa nezinselelo ezingavela.